

## Plenchi

### Bèl a bati

**TRINGG TRINGGG bèlèm..... TRINGG TRINGGG bèlèm.....**

**Un felis dia, bon bini serka nos atrobe riba nos plenchi di alegria. Aki ta kos bon so tin. Nada di dolor di kabes, problema of negativismo. Ban pone nos skolnan den gloria. Ban laga nos hóbennan briya.**

**Ban sembra positivismo. Un felis karnaval pa boso. Nos ta bek ku plenchi 16 di februari ku Dios ke. Disfrutá di boso dianan di karnaval.**

**Despues prepará ku mesun entusiasmo pa e dianan di yuna i orashon.**

**Pasa dushi wikent.**

### Riba roster

Slogan di **St. Joris College**: Disiplina i bon edukashon ta inisio di nos formashon. Pa nos di komunidad di St. Joris College disiplina tin un lugá importante. P'esei banda di e materianan intelektual, esnan sosial i emoshonal ta haña hopi atenshon . Pa kristalisá esaki nos ta organisá diferente aktividat:

- Alumno di luga di kada klas: énfasis ta riba desaroyo positivo di komportashon
- Alumno di trimèster: énfasis ta riba prestashon
- Proyecto di mayor i yu: traha un 'kijkdoos' di Pasku di nasementu
- Proyecto di mayor i yu: traha un Rosario
- Proyecto i mayor i yu: mayor ta hasi algu na bienestar di skol
- Partisipá na torneo eskolar di futbòl
- Kompetensia lesa pa otro skucha den henter skol: alumnonan di siklo 1 ta konta un buki na Papiamentu, mientras esnan di siklo 2 ta lesa un pa otro skucha na papiamentu i hulandes
- E kampionnan di skol di grupo 6 i òf 7, ta partisipá na e kompetensia "Lesá pa otro skucha" organisá pa SIGE
- Aktividatnan kartitaivo
- Ekskurshonnan

Huntu, ku Dios mediante nos ta sigui traha na bienestar di nos muchanan. **St. ~~700~~ 700**  
Joris ta





## Not'é riba bòrchi

### Kolegio Iris Bruynings

Amiguitunan, mami i papi nos di Kolegio Iris Bruyning ta saludá boso i deseá boso un felis djasabra bendishoná. Tambe nos kier a deseá boso felis dia di amor i amistad. Den luna di febrüari hopi mucha i adulto a selebrá dia di amor i amistad; “Valitine’s Day”. Kòrda ku amor ta bin di Dios, pasó Dios ta amor ♥.

Nos skol a organisá un tremendo kaminata dia 14 feb ku tabata hiba komo tema: “Kaminata Ban Stima Otro”. Nos a marcha riba ritmo di brès bènd i nos muchanan a parti kurasonnan ku mensahenan positivo pa tur hende pará kantu di kaya. Heavy yu.



Durante di e aña eskolar aki nos a hasi hopi mas. Bo ke sa mas???

Ban resumí nos akitvidatnan for di augùstùs te ku febrüari.

\* Augùstùs: Aña eskolar 2018/19

Yupiiii skol a kuminsá. Hopi mucha ta kontentu, pasó nan ta bai den un grupo nobo serka nan amigu-amiga i yùfrou nobo.

Promé dia di skolllll. Yes!



\* Sèptèmber: Siman di Kultura i despedida di yùfrou Elma

Den sèptèmber nos a selebrá “Siman di kultura”. Nos skol a para ketu na e diferente nashonnan ku ta biba riba nos isla.

Tabata un siman dushi ku hopi presentashon manera: grupo di baile

Harmonia i Goso, Rei di Tumba Reinir Lijfrock i Rei di seú Rashid Felida.

Den klas nos a traha kos di boka dushi i obra di man. Kòrda, “Lanta bo kara i biba bo kultura”

Nos muchanan den nan trahe kultural

Despedida yùfrou Elma

Tambe den luna aki nos a tuma despedida di na yùfrou Elma ku tin 45año den enseñansa. Yùfrou Elma ta un yùfrou mashá kerí ku ta stima tur mucha.

Nos ta bai sinti su falta. Miss You.

Yùfrou Elma (lenks) huntu ku su famia



\* Oktober: Siman di bestia i klousura tema “hende”

4 di oktober nos muchanan a selebrá “Dia di bestia” . Nan tabata tin mag di bin skol ku nan bestia o un pelucho di bestia. Tin mucha a bin ku nan piská, turtuga, kachó i yen di bestia mas. Kua bestia abo gusta?

Klousura tema “ hende”

Grupo 1 i 2 tabatin e tema hende i nan a klousurá esaki hasiendo kada alumno konsiente ku nan mester biba un bida salú. Pesei kada alumno por a disfrutá di un tremendo salada di fruta i tambe nan por a move riba diferente tipo di músika bou di guia di sra. Angeline Bakhuis.

\* Novèmber: Siman di buki i entrega di sertifikado Abraham Alejo

Durante henter siman e muchanan a siña i hunga diferente wega i dramatisá dicho i proverbio pa stimulá amistad. I mas ku klaro ku nos outornan no por a keda’fo. E outornan ku a bishitá nos skol ta: “Roland Colastica, Ruthie Pantophlet, Mariska Hammerstein i Evelien v. Dort”.

Kòrda ku, mas bo lesa mas bo sa, mas bo sa sabí bo ta. Lesa ta dushiiiiii.

Entrega di sertifikado Abraham Alejo

Abraham Alejo a risibí su sertifikado di Matemátika for di man di Sint kompañá pa su Pitnan. Abraham a keda sumamente kontentu ku su premio di promé lugá den matemátika i tambe e regalonan ku el a risibí.

Abraham risibiendo su sertifikado serka Sint i Pitnan.

\* Desèmber: Selebrashon di Sinterklas, Pasku di nasementu di Hesus i

“Community work Mi Welita i selebrashon 55 aña Parokia San Hudas Tadeo”

Sint i pit no por a keda sin pasa serka nos muchanan di KIB. E muchanan a selebrá i a gosa un bòl.

Community work “ Mi Welita”

Nos maestronan di Kolegio Iris Bruyning huntu ku kor di skol tabatin un atardi dushi huntu ku nos grandinan di “Nos Welita” . Nos grandinan a gosa mashá. Kòrda stima nos grandinan i no lubidá di pasa bishitánan.

Selebrashon Pasku di nasementu di Hesus

Un Salvador a nase pa nos i Su nòmber ta Hesus. I pa selebrá esaki, último dia di skol nos muchanan di grupo 1 te ku 8 a hasi diferente presentashon i tambe nos a kome huntu den klas. Yumi yumi.

Selebrashon 55 aña Parokia San Hudas Tadeo

Nos maestronan, alumnonan i e kor di Kolegio Iris Bruyning a selebrá 55 aña Parokia San Hudas Tadeo di Zuid Bonam huntu ku Pastor Guillermo, mayornan i bishitantenan. Tabata un anochi bendishoná.

Asinaki nos a resumí nos aktividatnan. Great no? Nos di Kolegio Iris Bruyning ta spera ku bo tambe ta pasando dushi na bo skol. Hasi bo bèst en God doet de rest!



## **Den agènda**

**Dianan liber**

**25 februari manisé di karnaval hubenil**

**4 te ku 8 despues karnaval grandi**

**18 te 27 di aprel pasku grandi**

## **Mucha djispou**

**Yufrou ma kumpra e buki ku yama: Siña ingles den 20 stap. Ma kana mas ku 1000 stap kaba ku e buki aki, anto ainda mi no por papia ingles.**